



XALQ DEPUTATLARI SHO'RCHI TUMANI KENGASHINING QARORI

Sho'rchi tumani, Mustaqillik ko'chasi 72-uy. 191500, tel.: (+99876) 457-45-73

2022 йил «14» июль

VI-48-105-8-120-K/22

Шўрчи туман ҳокимлиги

Sho'rchi tumani hokimining o'rinbosari - oila va xotin-qizlar bo'limi boshlig'i N.Mamadiyevaning tumanda xotin-qizlar muammolarining hal etilishi yuzasidan amalga oshirilayotgan ishlar to'g'risidagi hisoboti haqida

Tumanda xotin-qizlarning huquqlari va qonuniy manfaatlarini himoya qilish, ularning ijtimoiy-siyosiy hayotdagi o'rnini va faolligini oshirish, gender tenglik kafolatlarini ta'minlash, oila va xotin-qizlarning muammolarini o'z vaqtida aniqlash, og'ir ijtimoiy ahvolga tushib qolgan oila va xotin-qizlarga ijtimoiy-huquqiy, psixologik yordam ko'rsatish, xotin-qizlar o'rtasida sog'lom turmush tarzini shakllantirish, oiladagi ma'naviy-axloqiy qadriyatlarni mustahkamlash maqsadida, mazkur masalaning tuman Kengashining yoshlar siyosati, xotin-qizlar va gender tenglik masalalari bo'yicha doimiy komissiyasi tomonidan muhokama qilingaligini e'tiborga olib hamda O'zbekiston Respublikasining "Mahalliy davlat hokimiyati to'g'risida"gi Qonunining 6-, 24-moddalariga muvofiq xalq deputatlari tuman Kengashi,

QAROR QILADI:

1. Tuman hokimining o'rinbosari - oila va xotin-qizlar bo'limi boshlig'i N.Mamadiyevaning tumanda xotin-qizlar muammolarining hal etilishi yuzasidan amalga oshirilayotgan ishlar to'g'risidagi hisoboti ma'lumot uchun qabul qilinsin.

2. Tuman hokimining o'rinbosari - oila va xotin-qizlar bo'limi boshlig'i N.Mamadiyeva:

- tumanda xotin-qizlarning huquqlari va qonuniy manfaatlarini himoya

qilish, ularning ijtimoiy-siyosiy hayotidagi o‘rni va faolligini oshirish, gender tenglik kafolatlarini ta’minlash, ilmiy-amaliy faoliyatga keng jalb qilish;

- oila va xotin-qizlarning muammolarini o‘z vaqtida aniqlash, og‘ir ijtimoiy ahvolga tushib qolgan oila va xotin-qizlarga ijtimoiy-huquqiy, psixologik yordam ko‘rsatish;

- xotin-qizlarga mehnat bozorida talab yuqori bo‘lgan kasblar bo‘yicha bilim va ko‘nikmalarni oshirish, hududlarda xotin-qizlarni oilaviy va xususiy tadbirkorlikka, hunarmandchilikka keng jalb etish;

- xotin-qizlar o‘rtasida sog‘lom turmush tarzini shakllantirish, oiladagi ma’naviy-axloqiy qadriyatlarni mustahkamlash bo‘yicha chora-tadbirlarni amalga oshirish borasida tizimli ishlar tashkil qilish bo‘yicha chora-tadbirlar ishlab chiqsin.

3. Tuman hokimining o‘rinbosari - oila va xotin-qizlar bo‘limi boshlig‘i N.Mamadiyeva tuman mahalla va nuroniylarni qo‘llab-quvvatlash bo‘limi (A.Nurboyev) bilan birgalikda:

- xotin-qizlarni oila, mahalla va mehnat jamoalarida ijtimoiy-huquqiy jihatdan qo‘llab-quvvatlash, ularning ijtimoiy-siyosiy faolligini oshirish, ma’naviyatini yuksaltirish, yoshlarni oilaviy hayotga tayyorlash, zamonaviy va namunali oilalarni shakllantirish, ma’naviy-axloqiy muhitini va an’anaviy oilaviy qadriyatlarni mustahkamlash bo‘yicha maqsadli chora-tadbirlarni amalga oshirish;

- xotin-qizlarning tadbirkorlik g‘oyalarini amalga oshirish, ular faoliyatiga kredit, subsidiya va boshqa yordam choralarni jalb qilish bo‘yicha mahallada tadbirkorlikni rivojlantirish, aholi bandligini ta’minlash va kambag‘allikni qisqartirish masalalari bo‘yicha hokim yordamchilari bilan hamkorlik qilish;

- “Ayollar maslahat kengashlari” bilan yaqin hamkorlikda ijtimoiy himoyaga muhtoj xotin-qizlarni tadbirkorlikka o‘qitish, biznesga oid namunaviy rejalarni ishlab chiqish va kredit olishda ularga ko‘maklashish, “Ayollar daftari”ga kiritilgan xotin-qizlar bilan manzilli ishlarni amalga oshirish;

- xotin-qizlarning muammolarini o‘z vaqtida aniqlash, og‘ir ijtimoiy ahvolga tushib qolgan xotin-qizlar, shu jumladan, nogironligi bo‘lgan ayollar bilan yakka tartibda hamda aniq maqsadga yo‘naltirilgan ishlarni olib borish, ularga ijtimoiy-huquqiy, psixologik va moddiy yordam ko‘rsatish ishlarini tashkil etsin.

4. Tumandagi huquq-tartibot organlari, tuman ichki ishlar bo‘limi (D.Qurbonov), tuman prokurori (F.Xoliqov) xotin-qizlar o‘rtasidagi turli xil ko‘rinishdagi jinoyatchilik, o‘z joniga qasd va suiqasd qilish, oilaviy ajralishlarning oldini olish borasida mahallalarda sayyor qabullar o‘tkazish, notinch va nizoli oilalar bilan individual suhbatlar o‘tkazish, ularga murabbiylar birlashtirish, bunday toifadagi oilalarda sog‘lom muhitni shakllantirish bo‘yicha manzilli ishlarni tashkil qilsin.

5. Majburiy ijro byurosi tuman bo‘limi (K.Nuraliyev) bir oy muddatda aliment bo‘yicha qarzdorlikni undirish samaradorligini oshirish bo‘yicha tizimli va ta’sirchan chora-tadbirlarni belgilasin hamda amalga oshirsin.

6. Xalq deputatlari tuman Kengashining Yoshlar siyosati, xotin-qizlar va gender tenglik masalalari bo‘yicha doimiy komissiyasi (I.Sattorova) har chorakda tuman Kengashining sessiyalarida sektor rahbarlari, mutasaddi idoralar rahbarlarning xotin-qizlar muammolarining hal etilishi bo‘yicha ko‘rilayotgan choralar to‘g‘risidagi hisobotlarini eshitib borishni yo‘lga qo‘ysin.

7. Tuman hokimligi axborot xizmati (N.Shoyeva), “Jarayon” gazetasi tahririyati (B.Elmuurodova)larga tumanda xotin-qizlarning huquq va erkinliklarini himoya qilish, ularning ijtimoiy-siyosiy hayotidagi o‘rni va faolligini oshirish, gender tenglik kafolatlarini ta’minlash, oila va xotin-qizlarning muammolarini o‘z vaqtida aniqlash, og‘ir ijtimoiy ahvolga tushib qolgan oila va xotin-qizlarga ijtimoiy-huquqiy, psixologik yordam ko‘rsatish, xotin-qizlar o‘rtasida sog‘lom turmush tarzini shakllantirish, oiladagi ma’naviy-axloqiy qadriyatlarni mustahkamlash bo‘yicha olib borilayotgan ishlarni ommaviy axborot vositalari va ijtimoiy tarmoqlarda keng yoritib borish tavsiya etilsin.

8. Mazkur qarorning ijrosini nazorat qilish xalq deputatlari tuman Kengashining Yoshlar siyosati, xotin-qizlar va gender tenglik masalalari bo'yicha doimiy komissiyasi (I.Sattorova) zimmasiga yuklansin.

9. Ushbu qaror qabul qilingan kundan e'tiboran kuchga kiradi.

**Xalq deputatlari tuman Kengashi
raisi**



Xudoyberganov B.X